

Broj: 01-04-13-05503/2021
Sarajevo, 03.12.2021.godine

BOSNA I HERCEGOVINA
Federacija Bosne i Hercegovine
PARLAMENT FEDERACIJE
SARAJEVO

Primljenio: 17 -12- 2021			
Org. jed.	Broj	Priloga	Vrijednost
05/2	- 02 -	410	121

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
N/P- Sekretar mr.sci. Izmir Hadžiavdić
veza vaš akt br. 05/2-02-410/21 od 08.11.2021.godine

N/P Delegat- Boris Krešić

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT
N/P- Sekretarka mr.sci. Edita Kalajdžić

PREDMET: Odgovor na delegatsko pitanje Borisa Krešića, dostavlja se

Poštovani,

Federalna uprava za inspekcijske poslove zaprimila je dana 10.11.2021.godine akt gornji broj koji je delegatsko pitanje, Borisa Krešića, delegata u Domu naroda Parlamenta Federacije Bosne i Hercegovine.

Uvaženi delagat je zatražio od Federalne uprave za inspekcijske poslove da se putem nadležnih inspektora izvrši inspekcijski nadzor u UKC Tuzla, te da mu se dostavi odgovor da li direktor i pomoćnik ispunjavaju sve zakonom propisane uslove za navedene pozicije. Naročito uzimajući u obzir da, prema informacijama direktor UKC Tuzla ima doktorat sa neakreditovanog Univerziteta, a da je pomoćnik direktora na dan imenovanja još specijalizant.

Vezano za postavljena pitanja, u pripremi odgovora učešće je uzeo tim inspektora u sastavu federalni zdravstveni i federalni inspektor rada za oblast radnih odnosa, koji su obavili inspekcijski nadzor dana 22.11.2021.godine kod JZU UKC Tuzla, kojom prilikom su utvrdili slijedeće činjenično stanje:

Federalni zdravstveni inspektor sačinio je Zapisnik¹ o obavljenom inspekcijskom nadzoru kojom prilikom je izvršio uvid u traženu dokumentaciju i konstatovao da Upravni odbor Javne zdravstvene ustanove UKC Tuzla, nije imenovan u skladu sa članom 64. stav 3. Zakona² o zdravstvenoj zaštiti Federacije BiH (u daljem tekstu: Zakon), niti u skladu sa stavom 6. istog člana, budući da u Upravnem odboru nema predstavnika Federacije BiH.

U toku nadzora postupajući inspektor je izvršio uvid i u Odluku o izboru u naučnonastavno zvanje kojim se dr. med. Alen Kamerić bira u naučnonastavno zvanje docent za naučno polje Klinička medicina, uža naučna Posebna klinička oblast, na period od pet godina s mogućnošću ponovnog izbora. Naprijed navedena Odluka donijeta je od strane Senata Evropskog univerziteta "Kallos" u Tuzli na sjednici održanoj 08.04.2021. godine.

Također, inspektoru je predočeno i uvjerenje o stečenom akademskom naučnom zvanju- doktor medicinskih nauka koje je izdato od strane istog Evropskog univerziteta "Kallos" u Tuzli.

Što se tiče pitanja vezano za validnost akreditacije Evropskog Univerziteta "Kallos" u Tuzli, delegata informišemo da to nije u nadležnosti federalne inspekcije.

Dalje, prilikom uvida u dokumentaciju iz personalnog dosjeda v.d. direktora Kamerić Alena, u momentu nadzora, nije predočena saglasnost Federalnog ministarstva zdravstva za imenovanje v.d. direktora, kako je to utvrđeno čl. 66. stav 3. Zakona.

Uvidom u personalni dosije Hadžiefendić Bahrudina, inspektor je utvrdio da isti ne ispunjava u cijelosti uslove za obavljanje poslova i radnih zadataka kako su utvrđeni općim aktima subjekta nadzora, tj. nema završenu specijalizaciju, kao ni pet godina radnog iskustva nakon položenog specijalističkog ispita.

Postupajući federalni inspektor zdravstva će, **u pogledu imenovanja Upravnog odbora Javne zdravstvene ustanove UKC Tuzla, kao i saglasnosti Federalnog ministarstva zdravstva za imenovanje v.d. direktora, u skladu sa odredbama Zakona o zdravstvenoj zaštiti Federacije BiH i odredbama važećeg Statuta JZU UKC Tuzla**, uputiti obavijest i upoznati osnivače (Vladu FBiH i Vladu TK) i resorna Ministarstva (Federalno i kantonalno ministarstvo zdravstva) o utvrđenim nepravilnostima.

Federalna inspektorica rada za oblast radnih odnosa je sačinila Zapisnik³ o obavljenom inspekcijskom nadzoru dana 22.11.2021.godine kojom prilikom je izvršila nadzor za oblast rada i radnih odnosa.

Inspekcijskim nadzorom kod pravne osobe JZU Klinički Centar Tuzla, postupajuća federalna inspektorica je utvrdila da je:

¹ Zapisnik o obavljenom inspekcijskom nadzoru broj: UP1-08-33-4-00203/2021-0804-P-0804-1-P od 22.11.2021.godine

² Zakon o zdravstvenoj zaštiti Federacije BiH („Službene novine FBiH“ broj: 46/10)

³ Zapisnik o obavljenom inspekcijskom nadzoru broj: UP1-09-3015-06887/2021-0902-3-P od 22.11.2021.godine

- Poslodavac upisan u sudski registar Općinskog suda u Tuzli. Kao osoba ovlaštena za zastupanje i predstavljanje upisan je: v.d. direktor Kamerić ALEN, a kao osnivač Skupština Tuzlanskog kantona sa osnivačkim kapitalom 0,00 %.
- Osobe na koje je naslovljeno delegatsko pitanje su radnici JZU UKC Tuzla u dužem vremenskom periodu, te shodno istom imaju zaključene ugovore o radu.
- Imenovanja na konkretnе funkcije nisu u nadležnosti inspekcije rada, te je postupajuća federalna inspektorica, vršeći nadzor u okvirima svoje zakonom utvrđene nadležnosti, samo evidentirala podatke ko je, temeljem kojih akata i kada imenovao v.d. direktora kao i v.d. izvršnog direktora za medicinske poslove.
- U nadzoru je dalje utvrđeno da je osnivačka prava nad JZU UKC Tuzla preuzela Federacija BiH Odlukom⁴ o preuzimanju osnivačkih prava -temeljem kog akta je usvojen i objavljen Statut⁵ istog poslodavca, te je shodno navedenim aktima, JZU UKC Tuzla bila u obavezi poštivati federalne propise. Ove su činjenice potvrđene i Zaklučkom Vlade FBiH- V.broj:1611/2017 od 07.12.2017.godine, tč.4. koji glasi:

„ Mjerodavni organi Tuzlanskog kantona u saradnji sa Vladom Federacije BiH obavezni su aktivnosti u vezi izbora i imenovanja organa nadzora, upravljanja i rukovođenja u JZU UKC Tuzla provoditi suglasno Zakonu o zdravstvenoj zaštiti, kao i propisima donijetim na osnovu ovog zakona, te odlukama o preuzimanju osnivačkih prava nad ovom zdravstvenom ustanovom donijetim od strane Parlamenta Federacije BiH i Skupštine TK“.

O ispunjavanju uvjeta za obavljanje poslova i radnih zadataka radnog mjesta koje je definirano aktom o sistematizaciji stara se sam poslodavac, budući da sam utvrđuje uvjete i bira kandidata za obavljanje odnosnih poslova. Eventualno nepoštivanje vlastitih akata poslodavca Zakonom⁶ o radu FBiH nije utvrđeno kao prekršaj.

- Na upit inspektorice prisutni je pojasnio da je v.d. direktora imenovan od strane Upravnog odbora bez pribavljene saglasnosti Federalnog Ministarstva zdravstva, ali uz saglasnost Premijera odnosno Vlade TK, kako je to precizirano odredbama prečišćenog⁷ teksta Statuta, koji je stavljen van snage objavom novog Statuta⁸ u „Službenim novinama Federacije BiH“ broj: 70/13.
- Na kraju i Upravni odbor subjekta nadzora imenovan je na period od 3 mjeseca od strane Vlade TK i dana 23.11.2021.godine ističe mandat članovima UO.

⁴ Odluka o preuzimanju osnivačkih prava nad univerzitetskim-kliničkim bolnicama u FBiH („Službene novine FBiH“ broj: 25/13)

⁵ „Statut JZU UKC Tuzla broj: 01-18-1/13 od 06.07.2013.godine objavljen u „Službenim novinama FBiH“broj: 70/13.

⁶ Zakon o radu Federacije BiH („Službene novine FBiH“ broj: 26/16 i 89/18)

⁷ Statut JZU UKC Tuzla (Prečišćeni tekst) broj: 01-1255-3/12 od 26.12.2012.godine

⁸ Statut JZU UKC Tuzla Tuzla broj 01-18-1/13 od 06.07.2013.godine objavljen u „Službene novine FBiH“ broj:70/13- koji u svojim Prelaznim i završnim odredbama, u članu 126. utvrđuje da danom stupanja na snagu ovog Statuta prestaje da važi Statut JZU UKC –Prečišćeni tekst.

Kako je kod JZU UKC Tuzla u toku objavljivanje javnog oglasa za popunu radnog mjesto „pomoćnik direktora za nastavu i naučno istraživački rad“ to je postupajuća federalna inspektorica rada, **upravnom mjerom upozorila odnosnog poslodavca na obavezu dosljedne i potpune primjene pozitivnih federalnih zakonskih i podzakonskih akata i važećih vlastitih općih akata, kod provođenja postupka prijema u radni odnos, odnosno imenovanja rukovodnih radnika.**

Nadamo se da smo naprijed navedenim, uvaženom delegatu odgovorili na njegova pitanja.

S poštovanjem,

Dostavljeno:

- 1 x Sekretar Doma naroda- mr.sci. Izmir Hadžiavdić
- 1 x Delegat Boris Krešić
- 1 x Sekretarka Vlade FBiH-mr.sci. Edita Kalajdžić
- 1 x a/a



DIREKTOR
mr. Anis Ajdinović